

PROSPERANTE JEHOVA!

A P O L L O
S I L E N S,
SIVE,

D E O R A C U L O R U M
C E S S A T I O N E,

D I S S E R T A T I O A C A D E M I C A,

Quam

Permissu Ampl. Collegii Philosoph.
In Illustri & Regio Lycéo
Sub MODERAMINE, atque
P R Ä C L A R I S S I M I V I R I ,

D N . M . T O R S T A N I
R U D E E N ,

Poës. Prof. Ord.

Publicæ honorum censuræ modeste submitit
SAC. REG. MAJEST,
Alumnus

A N D R E A S C A R L E S N S /
Wermel.

In Audit. Max. ad d. 20 Aprilis, A. 1695.

Impr. apud JOH. L. WALLIUM.

Nobilissime atque Consultissime Domine,

DN. HENRICE Scalhanſt /

De Gesterby & Norhaga/

Regii Dicasterii, quod Aboæ viget, Assessor Gravissime, Æquissime, Patrona Benignissime, quovis honore ætatem prosequende.



uam Nobilissime Dn. Aſſessor singularēm , qna me hoc biennio, vel quod excedit , Moderatorēm ſtudiorum Nobiliſſ: tuorum filiorum

rum semper beavisti, benevoliam, nunquam nec oblivioni tam, nec silentio sinam soliterari, præterquam, quod creditam mihi spartam, quantum in me situm est, semper adnitar ornare, tuæque proli consilio & informatione prodesse, quo usque DEO fuerit visum, ut huic præsim officiolo. Submisla insuper contendens, ne tua Amplitudo hos teneros ingenitus, in grati animi pignus, en dido tuo nomini inscriptos atque dedicatos fastidias. Indesinenter demum tibi & toti Nobiliss: familiæ incolimitatem feliciaque precabor.

NOB. TUI NOMINIS

obseruantissimus
A. E.

Humanissime & Doctissime
DN. ANDREA
CARLLOOS/

Amice sinceré dilecte,

Quum siluistic doces furiatæ
Oracula turbæ,
Strinam prohibes secla sile-
re tuam.

Tui studiosissimus,
Et juxta occu-
patissimus
scrib.

THEM RUST. RUDEEN.

§. I.



§. I.

AN Oracula Ethnicorum sub adventum Salvatoris in carnem subticuerint, vetus est & non sine plurimo sententiarum divertio, agitata quæstio: cujus dirimendæ, consummationis esset judicii opus quam nostri, quemadmodum nec illam nunc in nos provinciam suscipimus. Speramus tamen hanc veniam ut liberè liceat profiteri quid super hac re nos suadeant sentire ea, quæ tumultuaria lectione apud autores haud indoneos licuit notare. Isthoc eâ à nobis modestiâ fiet, ut non modo patiamur quemlibet suo abundare lensu, verum etiam ipsi, ipso ostendamus opere, alterum non fore in monendo promtorem, quam nos in sententia nostra mutanda, siquidem meliora fuerimus edocti.

A

§. II. In

In ipso limine tanto minus occupabimur circa vocum expositionem, quanto cuique notius est oracula solere dici responsa, quæ reddi consueverunt ore, vel ipsius Idoli, vel Antistitum ejusdem, qui sensus vocis nostro instituto est accomodissimus. Id forte altioris videtur indaginis & pretii majoris expendisse in anteceslum, an ejusmodi responfa debeantur principio alicui supra aut præter naturam agenti, an verò technis & imposturis Antistitum, qui templis Fatidicis aut sortibus præfuerunt. Non nescimus plurimos, si non omnes primitivæ Ecclesiæ scriptores Oraculorum intimum autorem Diabolum pronuntiare, adeo ut ipse corporei idoli, & automati cujuspiam membris fuerit usus ad responfa & vaticinia sua ebuccinanda; hominesque ipsi, quorum lingvâ & gestibus fuerit usus, sese habuerint merè passivè. Quorum etiam opinioni posteriores non pauci, plus forte quam par fuit, suam adjunxerunt fidem, nullo mo-

modo necessarium ducentes id aut probare, aut in rationes inquirere: quippe sat sibi sufficere prætendentes vel unicam hanc rationem, quod Christiani a primis ferè Christianismi incunabulis illam sint amplexi sententiam. Revelationes (quod semper monitum volumus:) divinitus inflatæ, quarum sacer codex locuples Gazophylacium est, hic non moventur: non enim sacra profanis, aut veritas mendacio est immiscenda. Sed neque nos in solidum ibimus inficias, quin callidissimus tentator ritibus hisce a se incitatis suam operam potuerit commodasse, quemadmodum est myriotechnites, inque suo regno, quod in infidelibus obtinet, ampliando & firmando, sollicite circumiens leo: verum enimvero si possit demonstrari, aut nullum, aut certe paucissima ex istis Oraculis, quidpiam præternaturale sapere, adeo ut solis humani ingenii præstigiis artibusque versute consutis hominum, magnam propterea aestimationem præ cæteris inhiantium, & etiam

numero sum exinde captantium lucrum,
 (Ceu solidis etiam rationibus demon-
 stravit vir experientissimus Antonius
 Van Dale, opere, quod de Oraculis Eth-
 nicorum inscribit; & dudum ipsi quo-
 que inter Ethnicos emunctioris nasi
 homines, subodorati sunt; inter quos
 1 Demosthenes, qui Pythiam φίλαττην
 2 querebatur, Cicero lib. 2. de divinat.
 3 Lucianus in Alexandro Pseudomante,
 4 Cælius Calcugninus de Oraculis. Dan.
 5 Huetius Tom. Secundo prop: 9. C. 171.
 6 §. 10. pag. 1089. ubi insigniter huic sen-
 tentiae favet. Et ipse etiam Eusebius
 initio libri quarti de præparatione E-
 vangelica de sacerdotum imposturis
 multa & notabilia differit, licet in ista
 tamen opinione permanferit, per ma-
 los Dæmonas ea Oracula hominibus
 redditam fuisse) Si inquam possit demon-
 strari solam astutiam humanam his frau-
 dibus texendis parem esse potuisse:
 non video, cur ex solo placito nonnul-
 lorum opinantium adigar ad creden-
 dum contrarium, omnino de illa re ta-
 cente

cente scripturâ divinâ. Sed hoc, neque nostri est instituti, neque brevitas, cui maximè litare constituimus, permittit fusius tractare; hinc igitur digrediendo, ad ventilanda (auxiliante DEO) ea properabimus, quæ de Oraculorum duratione dici posse videntur.

§. III.

Laborat hæc quæstio, si ulla alia, diversis diversorum assertionibus; Quandoquidem vix sit, ut unum omnibus placeat, quæque huic minus adlubescunt, ea alterius suffragium interdum mereantur maximum: Id verò dolore dignum videtur, quod opinio quælibet vulgo tanto judiceretur verior, quanto est antiquior, quamvis meris interdum nitatur fabulis & otiosorum commentis. Eiusmodi autem inveteratae opinioni peneque Catholicæ obviare, ac se se opponere si quis ausus fuerit, solidissimis licet simul & acutissimis armis fuerit instructus, in contradicentium tamen incurret odium; & persona deinceps est defendenda, non

veritas. præcipue si antea viri majoris ponderis autoritatisque, contrariam mentem vel defenderint, vel faltem illi annuerint. Verum homini ingenuo & animi firmioris incumbit propter ipsam veritatem à veritatis tramite, contra apertam rationem non pati se ullius autoritate abduci, præsertim. (ceu de me sum præfatus) ubi illa intentione & illo fine proponitur sententia, ut detegatur veritas, non ut exacerbentur animi tumentium contraria: Unde etiam benignum lectorem id existimare præopto, ea, quæ in sequentibus sum adserturus, in tantum à me adseri, in quantum depræhenduntur vera: Secus, palinodiam canere mihi non putabo turpe.

§. IV.

*Q*n In quasttione itaque: utrum *Oracula ad Salvatoris nostri JESU, Christi adventum, quâ praterlapsis evis usi putabantur, loquelam perpetuo obsignarent silentio: An vero per aliqua temporis intervalla post audita sint: Fateor me posteriorem hactenus*

nus amplecti, utpote quæ graviori mihi visa est argumentorum pondere nititi: Quamvis prior altissimas jam agens radices, non minus a laicis, quam e fæce plebis elevationibus judicetur digna, quæ marmori inscribatur & Cedro, quod quo jure fiat, e re est ut paulisper examinemus.

S. V.

Ex argumentis quæ defecum Oraculorum sub Christi nativitatem accidisse adserunt, firmissimum haecenus visum est Diaboli de le ipso testimonium: Puta, quando Augusto de Successore sciscitanti respondebat Apollo Delphicus sibi loquendi copiam nunc esse ademtam, seque ipsum ab Hebræo pnero esse jussum redire ad orcum. Quod quidem testimonium adeò quidem mihi se non probavit, ut non scrupulus satis magnus restet. Nam quod Diabolus mendacissimus, mendaciique patet sui obstricti oris causam Augusto aperiret, & verissimum de Redemto-

re nostro ferret testimonium, vix capio.
At ipsa audiantur verba.

Πάτεις Εβραῖοι κέλεται με θεοῖς μακάρεσσιν
τὸν δὲ δόμον περιπτεῖν, καὶ αὐτὸν αὐθίς ικέδως,
αυτὸν ἀποθι σιγῶν ὅπερ δόμων ἡμετέρων.

Quae sic vertuntur à Johanne Mariâ
Maravigliâ:

*Me puer Hebreus jubet hinc, Rex ille Deorum
Tartareas remeare domos, bac ade reliqua,
Post terga ora tenens altaria nostra relinquis.*

Hos versus tales reliquit Suidas: alii
(Nicephorus nimirum ac Cedrenus)
aliter: Nam loco θεοῖς habent θεούς, ad-
ditto n post περιπτεῖν; item alter αἰδοῖς,
alter ὁδοῖς pro αἰδοῦ legunt &c. Re-
centiores quoque varie, utpote depræ-
henlos secundum metrum vacillare, re-
flectebant. Quorum J. Scaliger & I-
saacus Casaubonus, abjecta voce τοῦ,
incipiunt εργαῖος κελεψί με θεούς, &c. Qua-
liter quidem versui consulitur, sed pu-
er cogitur exulare, & sic tota labascit
sententia, ut nihil nunc de cæteris ver-
sibus dicam, quos variè quoque vari-
andos

andos contendunt Schedius & Peuce-
rus, ut haber antea laudatus van Da-
le. Quæ discripantia non potest non
esse malæ mercis nota. Qvod quoque
modo fiet manifestius, cum protulero
ea, quæ de hisce authoribus, Suida ni-
mirum, Nicephoro ac Cedreno (ante
quos hanc fabulam à nemine traditam
haec tenus cognovit eruditus orbis) li-
cuit notare. Quâ occasione id in an-
tecessum monitum percupio, me eate-
nus fidei habere scriptoribus antiquis
quatenus sibi met invicem non resistunt
minimeque à scripturæ literis aberrant.
Quæ verò non de ipsorum, sed de se-
culis eorum ætatem longè antecedentibus,
nullo idoneo teste, non aliter ac
excogitata nobis venditant, cum judi-
cio & cautè omnino sunt legenda, nec
nimis temerè pro veris arripienda, ne
veritati vis inferatur ; Quandoquidem,
uti à nobis, ita ab ipsis nihil humani
alienum fuisse putemus. In quos, Ze-
lo quanquam haud malo, parum tamen

circumspecto imbutos, saepius non male quadrat istud Virgilii.

Fallit te incautum pietas tua.

§. VI.

Ac primum de Suida; Quo nomine non intelligimus illum Euboicarum rerū scriptorem, quem quoq; Strabo Geogr. lib. 7. appellat authorem fabulosum citante Carolo Stephano, qui Suidas utrum ante Christum, an vero post eundem natum floruerit, est incertum. Sed est Suidas ille qui Lexicon, sive mavis historias compilavit, quem Vossius lib. 2. Cap. 26. de Scriptoribus Græcis tempore Alexii Comneni imperatoris, paulo ante finem seculi undecimi vixisse scribit. Ex eodem autem laudati Vossii opere passim est cernere, quam fuit iste in exscribendo parum sincerus, in quævis arripiendo imprudens & in judicando festinus ac temerarius. Alter est Nicephorus, Non Patriarcha Constantinopolitanus, qui nono seculo vixit, nec Gregoras, sed Callisti filius, quem Beza in notis ad

Cap.

Cap. i. v. 13. Actorum Apost. adpellat
 ineptum & ridiculum Historiæ Eccle-
 siasticæ Scriptorem, propter complu-
 res fabellas & errores non exiquos,
 quos in eo etiam Baronius, Possevi-
 nus & alii dicuntur observasse. Vid.
 Voss. de Script. gr. lib. 2. Cap. 29.
 Is qvarto decimo vixit seculo. Unde
 mirari sane subit scriptores adeò re-
 centes potuisse comminisci rem, quæ in
 Christi doctrinâ stabiliendâ tanti fuisset
 momenti, & tamen a justino, Tertul-
 liano, Teophilo, Tatiano aliisque scri-
 ptoribus Ecclesiasticis, qui hos ætate
 antecesserunt, nec his quidquam in de-
 fendendæ Christianæ veritatis Zelo ces-
 serunt, penitus negligitur. Verum
 hanc debemus sanctissimo & miseri-
 cordissimo Numini gratiam, quod vel
 absque talibus figmentis, adeò irrefra-
 gabilibus argumentis eandem illustrarit
 munieritque, ut infernorum portæ nun-
 quam ipsi erint prævalituræ. Cedren-
nns autem, qui tertius est, apud quem
iidem comparent verius, licet in non-
 pau-

paucis variati, Vossio d. lib. Cap. 26.
putatur itidem fuisse undecimi seculi
homo. Sed qui Eusebii authoritatem
citat, in cuius tamen scriptis quæ su-
perlunt, versus isti nusquam apparent:
unde suspicio est hunc Cedrenum non
fuisse feliciorem in citando Eusebio,
quam fuit, quum ex Clemente Romano
(qvem Paulus Phil: 4. 3. nominat inter
cooperarios suos & quorum nomina
sunt in libro vitæ) non mirabilia sed
miracula narrat de Simone Mago ejus-
que cane per Petrum iusso uti hu-
mana voce, deceptus per recognitio-
num libros seu praxeis Petri, quæ falso
huic Clementi sunt adscriptæ, ceu egre-
gie docet Experientissimus Van Dale.
Quantumvis autem maximè concesse-
rimus potuisse Cedrenum ex aliquo i-
storum scriptorum Eusebii, quæ peri-
ere, hos versus notasse, quæstio tamen
remanet eadem: Unde sc. Eusebius il-
los habuerit, qui non nisi quarto post
Christum seculo sua scripta concin-
navit? Sed neque illud fraudis suscipio-
nem

nem parum auget, quod meticum hic responsum Delphico Apollini tribuatur, quem tamen metrica loquendi ratione destitisse Pyrrhi jam temporibus, qui (nisi computatio nos fallit) tertio retro seculo ante natum Christum floruit, testis est Cicero lib. 2. de divinatione hæc dicens: *Primum Latine Apollo nunquam locutus est: deinde ista fors inaudita Græcis est.* Præterea Pyrrhi Temporibus jam Apollo versus facere desierat. Et quæ sequuntur lectu dignissima super illam quæstionem, cur *Oracula carmine reddi desierunt;* quæ sane valdè insulsa allegat Mornæus lib. de veritate Christ: Relig: Cap: 32. post fabulam de puerō Hebræo, tanquam si de Oraculorum totali defecitu locutus fuisset Cicero, eum in finem, ut fidem conciliet opinioni suæ. Verba sunt: *Et Cicero suis temporibus, que iam acurate descripsérat, Oracula ubiq; defecisse testatur.* Sed audiamus iterum ipsum Ciceronem eodem lib. suo 2. de Div: *Sed quod caue est, cur isto modo jam Oracula Delphis non eduntur, non modo no-*

stra

stra ætate, sed jam diu: jam ut nihil possit esse
 contemtius &c. Ubi omnibus liquet illum
 nequaquam mentionem de ejus taciturnitate facere, quod patet ex voci-
 bus, *isto modo*, verum quæstionem mo-
 vet, quainobrem carminibus non effe-
 ret sermones. Quemadmodum quoq;
 Plutarchus in illo opere quo inquirit
 in causas, cur nunc Pythia sortes non
 det versibus, idem adfirmat, non tam
 de suo, quam de prioribus seculis, de
 qua re in sequentibus amplior dabitur
 loquendi occasio. Sed nec quæ præ-
 tenso huic Oraculo tanquam sequentia,
 ab ipsis scriptoribus adduntur, satis sibi
 videntur constare: Narrat enim Suidas
 Augustum reducem erexisse in capito-
 lio aram cum inscriptione latina: *Hæc*
est ara primigeniti DEI. Quomodo au-
 tem Augustus ex isto Oraculo cognitio-
 nem & sensum primogeniti potuerit,
 exculpere, fateor me non videre. Nec
 de tali aliqua arâ deinceps quidquam
 est compertum; imo quod palmarium
 duco, demonstratum hactenus non est,

Au-

Augustum, jam senem factum, unquam adiisse Delphos, sed nec Græciam adiisse post illam expeditionem, à quâ revertebatur 34 annos ante suam mortem, h. e. 19. ante natum Christum.

§. VII.

Ex iis quæ hactenus sunt adducta apparet satis illud de Hebræo pūero Oraculum, ante undecimum, post salutarem virginis partum, seculum esse inauditum, adeòque à Cedreno frustra tribui Eusebio; quantumvis id non possit negari, quin pro illa sententia de totali Oraculorum silentio ob & circa nativitatem Christi multis pugnarit Eusebius, ceu videre est ex lib. v. Cap. I. Præpar: Evang: Unde alterum peti sollet argumentum pro Oraculorum taciturnitate, quod nunc examini est subjiciendum. Porphyrii, Ethnici & Christianorum impudentissimi obpugnatoris, testimonium ibidem citat Eusebius. verba hæc sunt: *Audi nunc igitur ipsos Græcos fatentes ipsorum defecisse Ora- cula*

eula, neque ab alio unquam aeo, quam
tempore salutis & doctrine Evangelice, que
missis DEI & Salvatoris Christi fidem per
mundum divulgavit, atque omnibus homi-
nibus veluti lux exorta est. Nam statim era-
go, ut adhuc nunquam factum est, ostendemus,
quomodo post adventum ejus, & Dæ-
monum mortes narrare fuerint, & admiran-
da illa ac decantata Oracula defecerint. Et
post pauca: Mortua vero sunt omnia à Dæ-
monibus profecta Oracula & vaticinia. Ne-
que ex quo tempore, instar lucis omnibus
affulsi, aliquis eo usque insanivit, ut au-
sus sit cede illius, quod sibi esset dilectissi-
mum, & hominum mactatione illos, cedem
& Sanguinem sipientes hominesque odio ha-
bentes, placare Dæmonas. Qualia lubenti
animo perpetrabant veteres & reges verè Dæ-
monibus acti & obsessi. Quod vero mali
Dæmones non amplius aliquam vim aut po-
testatem post servatoris nostri adventum ba-
beant, etiam ipse Porphyrius, qui contra nos
Dæmonum patronus extitit, stipulatur;
dum in tractatu, quam contra nos conscri-
psit tali modo loguitur: Nunc vero ipsos ad-
miratio

miratio subit, si per tot annos urbem (loquiatur de Româ) morbus occupaverit. Cum non amplius ulla præsentia ibi sit Æsculapij, aut aliorum Deorum: Nam postquam JESUS cultus fuit, nemo aliquid manifestum aut publicum sensit Deorum auxilium. Hanc etenim Eusebius. Et sanè, si esset indubium circa natales Christi penitus omnia Oracula conticuisse, fateor nullam nos posse comminisci istius silentii causam digniorem augustioremve, quam ipsum Dominum JESUM Christum: qui alias suam in Dæmonas potestatem documentis plus quam manifestis & stupendis probavit, dum carne vestitus inter homines visibili modo conversabatur. Verum enim vero quum sit manifestum (quod etiam in sequentibus demonstrabitur) ad quartum usque seculum post Christum natum Oracula non modo esse consulta, sed & respondissie; metuere est, ne Eusebius argumento, quo doctrinam de Christo stabilire nitebatur, potius reddiderit suspectam; quandoquidem

non probabile sit illos, quos Hoc suo opere convincere adeoque convertere satagebat Eusebius, omnes adeo obtusi fuisse ingenii & experientiae nullius, ut non ipsis, vel tantillum subluerit de vacillante fide istius argumentationis. Nam ut taceam non potuisse non piäm hanc fraudem, uti illam nominat alicubi Vossius, esse invisam cordatoribus, qui scapham scapham dicunt, nihilque pro canone admittunt nisi de cuius vetustate & traditionis auctoritate satis constat; certè immane quantum obstaculum foret illis, qui nondum plane de nostra religione errant persvasi, officias ejusmodi notare: utpote qui ex hujsumodi machinationibus detectis non difficultè essent concepturi suspicionem falsi de iis quoqu scriptis, quæ optimæ sunt notæ, vereque Apostolicæ. Quod quoque de suo seculo questum esse Tertullianum intelligimus, & Origenes lib. 5. contra Celsum satis ostendit religionem Christianam Ethnicis fuisse ludibrio, quod ejus

eius Antistites adeo faciles fuerint in accipiendis quæcunque offerebantur, quemadmodum quoque Sibyllistæ ab illis audiebant, quod supposititiis Sibyllarum scriptis adeo patrocinabantur.

§. VIII.

Sed examinemus Porphyrium ipsum, qualis ab Eusebio heic citatur, annon illius testimonio id valeat evincere, quod conatur Eusebius. Porphyrii enim verba ab ipso Eusebio citata nihil aliud innuunt, quam urbem Romanam, postquam colli cœpit Salvator, morbis infestari, Æsculapii præsentiam desiderari & neminem manifestum aliquod & publicum Deorum auxilium sensisse. Quibus verbis nihil quidem de Oraculorum silentio testari Porphyrius videtur, tantum de miseriis & morbis Romam afflignantibus queri, quarum causam non aliunde autumat petendam, quam ex nova istâ religione, ob quam vult iram & indignationem Deorum in Romanos

esse effusam. quæ quidem querelæ i-
 stis temporibus novæ non fuere. Ex
 innumeris enim tam Christianorum
 quam Paganorum scriptis hauriri po-
 test, circa veræ doctrinæ primordia,
 hos apud illos, & versa vice, insigni
 laborasse invidiâ: ante verò omnia Eth-
 nici hostile odium in Evangelicam lu-
 cem agnoscentes exercuere. Quod
 Origenes, Cyprianus, Augustinus atq[ue]
 Tertullianus sciunt recensere. quorum
 postremo, nominatus in hæc verba, A-
 polog: Cap. 40. erumpit. At e contra-
 rio illis nomen factionis accommodandum
 est, qui in odium bonorum & proborum conspi-
 rant, qui adversum sanguinem innocentium
 conclamat, pratexentes sane ad odii defen-
 sionem illam quoque vanitatem, quod exi-
 stiment omnis publicæ cladis, omnis popu-
 laris incommodi Christianos esse causam, &
 quæ sequuntur. Nec minus Christiani,
 ut dictum est, Ethnicos oderunt, quo-
 niā, quicquid gravius perpeſſi sunt,
 mox totius rei culpam imputarunt Pa-
 ganis, quorum quoque, inter alias, que-
 relam

velam apud Theodosium ex novella III.
 de Judeis Samaritanis Hæret: comme-
 morare non ducimus à re alienum:
 An diutius perferemus mutari temporum
 vices, irata cœli temperie? quæ Paganorum
 i acerbata perfidiâ, nescit naturæ libramina
 servare &c. Hinc haud difficultè colli-
 gitur quam invidiosè una pars ærumna-
 rum culpam in alteram sibi adversam
 transtulerit, tanquam si nullum infor-
 tunium, nullum damnum & nullæ deni-
 que miseriæ homines ante hoc tempus
 pressissent. Atque id ipsum videtur
 questus Porphyrius ; de Oraculo-
 rum igitur defectu, ab illo, nisi coacto,
 frustra Eusebius testimonium exspectat;
 neque enim potuit Porphyrium latere
 Oracula per varias mundi plagas etiam
 suo tempore viguisse. Quid autem i-
 stud est, quod citato à nobis loco Eu-
 sebius ἀνθρωπικὰ five humanas victi-
 mas eodem tempore dicat cessasse?
 sanè ex Taciti, Plutarchi, Plinii & ali-
 orum benè multorum scriptis patet
 contrarium, qui amicè consentiunt hunc

horrendum morem ad iustinianum,
imò ad Henricum Aucupem: quin
& in urbe Roma ad ipsius Eusebii æ-
tatem perdurasse ex Lactantio, qui ipsius
Eusebii coetaneus fuerat, manifestum
est. Sic etenim ille lib. I. de falsa reli-
gione & Cap. 21. Apud Cypri Salaminem,
inquit, humanam hostiam Jove immolavit
Teucus, idque sacrificium posteris tradidit,
quod est nuper Hadriano imperante subla-
tum. Et post pauca: siquidem latialis
jupiter etiam nunc sanguine colitur humano.
Quid multis? arguit se ipse Eusebius,
cum in libro de laudibus Constantini
Porphyrium sic loquentem introducit:
Αλλ' επι νη̄ τη̄ τις αγνοεῖ πατέ τη̄ μερόλην
πόλιν τη̄ το̄ λαπαρέις Δίος εορτὴ σΦαγιαζό-
μενον ἀερόπον, h.e. sed etiam nunc quis igno-
rat in magna illa urbe (Roma) Jovis la-
tiaris festo pra victimâ jugulari hominem.
Judicet benevolus lector, ab non hæc
& similia saltem ansam queant dare
sulpicandi Eusebium non usquequaque
eâ usum esse diligentia & curâ, qualem
tale desiderasset negotium.

Jam ad prima citati loci ex Eusebio verba redeamus, quibus afferit, ipsis Græcis patentibus, tempore nati Christi Salvatoris Oracula & vaticinia omnia profecta à Dæmonibus esse mortua. Per *Græcos fatentes* intelligit Porphyrium (quem quo successu allegat jam vidimus) & Plutarchum, ex cuius dialogo de *Oraculorum defectu* historiolæ cujusdam meminit de Pane mortuo. Prius autem quam historiolæ istius, sive potius fabulæ, ut mox demonstrabitur, examen aggredimur, subit mirari, quæ ratio movit virum in omni literaturâ versatissimum, Danielem Huetium, ut ille quoque hoc argumentum, tanquam quod agmen cogere, tam facilis arripuerit, nisi si credendum sit, id eum ideo fecisse, quod homo, catholicæ Religioni addictus, Traditionibus faverit plus justo. Verba ejus sunt Tom: Secundo, Proposit: 9. cap. 37. §. 4. pag. 751. *Huc adjungendus Oraculorum defectus, cuius causam curiose*

Scrutati sunt, cum alii scriptores, tum potissimum Plutarchius: ex quo discas paulatim ea conticescere cœpisse ad Christi usque tempus, quo obmutuerunt: quasi fracta tamen penitus Daemonum vi, silentioque ipsis imposito. Ait hic Plutarchum curiosè scrutatum esse causam defectus Oraculorum, quæ paulatim ait conticuisse donec tempore Christi penitus obmutuerint. Plutarchum itaque adeamus. scripsit ille opuscula de Oraculis duo, quorum prius inscribitur: *Quod nunc Pythia sortes non det versibus.* Alterum est de Oraculorum defectu, quem tractatum non nisi nomine tenus Huetio esse lectum suspicio est non levis. Diversum enim deprehendere licebit Plutarchum ipsum per legenti: nimirum occupatur ille in causâ indagandâ, cur Oracula non omnia sed aliqua, non sui temporis, sed ævi omnis, non ubique sed certis in locis cessarint, & alibi emerserint nova. Quemadmodum evanuit Oraculum Themidis, quæ tempore Deucalioneo colebatur in Parnasso, cui succedit

cessit Delphicus Apollo; & Tiresiæ O-
 raculum apud orcohmēnos, quod narra-
 tur cum multis mortalibus pestilentia
 interiisse ac in totum exspirasse. vide
 Plutarchum pag. 541 ex versione Her-
 manni Crusieri. In eodem etiam tra-
 ctatu innuit Delphicum Oraculum tem-
 pore vetustissimum & famâ (ut ait)
 illustrissimum à Dracone fœminâ ob-
 sessum hominibusque aliquando fuisse
 interclusum. De Amphiarai & Apol-
 linis apud Tegyras oraculis hæc habet
 Plutarchus: *Nullo enim nunc loco alio,*
quam Lebadiæ Bœotia querentibus haurire
fortes concedit. Reliquæ partim silentium,
 partim solitudo occupat: tametsi bellis Me-
 dicis claruit non minus Amphiarai oraculum,
 & apud Tegyras Apollinis &c. ut de aliis nunc
 nihil dicam quæ emortua scribit. Con-
 cludit denique non esse ex immortalis-
 bus Diis, eos, qui respondebant peten-
 tibus consilia, sed esse Dæmonas na-
 turæ inter homines & Deos mediæ.
 verba illius sunt: *Ex aqua aëris, ex aere*
ignis conspicitur generari, sursum evolante

materiâ: sic ex hominibus in herbas, in Dæmonas ex heroibus præstantissimæ animæ accipiunt mutationem. Et post pauca: naturas certas esse quasi in Deorum & hominum positas confinio, humanis laboribus & vicissitudinibus obnoxias, quas more institutoque majorum censentes & nominantes venerari debemus. Exemplum dictis his Platonis sodalis adduxit Xenocrates triangulorum, qui Deo assimilavit Isopleurum, scalenum mortali, isosceles Dæmonio. Primum enim undique par est, Secundum uniq; impar, tertium partim par, partim impar. Sicut Dæmonum natura, qua affectu humano & vi prædita est divinâ, &c. Et iterum post aliqua: Audemus post multos nos quoque exponere, Dæmonas qui manteis & oraculis appositi sunt, plane exspirare, & cum his illa, atque quando profugerunt vel migrarunt, vim suam effundere, ubi redierunt post longinquum spatium, sonare sicut instrumenta: quod qui tractare ea, & eis uti valent, præsto sint. Tantum autem abest, ut in istis tractatibus quidpiam dicat de silen-
tio Oraculorum universalis, ut potius

s̄epius testetur de Oraculis suo etiam tempore locutis. Ut nihil dicam de Apollinis Oraculo, quod ipsius Plutarchi tempore (h. e. Imperante Trajano) Lebadię in Bœotia viguisse audivimus modo: Testatur idem de Delphico his verbis p. m. 527. *Nunc vero vates est una, nec querimur.* Satisfacit enim hæc consulentibus. Quin & ibidem Mopsi & Amphilochi Oraculorum in Cilicia meminit, ut quæ ipsius tempore floruere. ut autem suam de mortalitate Dæmonum probaret sententiam, historiolam illam, quam innuit & citat Eusebius, memorat de mortuo Pane, quæ in eodem ejus de Oraculorum defectu opusculo talis est, Vertente Hermanno Crusero: *De Dæmonum porro obitu historiam ex viro audivi nec stulto nec vano, Aemiliani Rhetoris, quem etiam non nulli vestrum audiverunt, Epithenses, pater fuit civis meus & in grammaticis Praeceptor. Hic narravit, cum aliquando in Italiam navigaret, concendiſſe navem ſe, quæ merces & frequentes vectores portabat. Sub vesperrum*

rum apud Echinades Insulas cecidisse ventos,
 navemque hoc illuc jactatam, prope Paxas
 delatam fuisse: vigilasse autem plurimos,
 complures etiam adhuc à cœnâ compotasse.
 Ibi repente exauditam ex insula Paxis vocem
 cuiuspiam, qui Thamum quendam clamore
 cieret, ut obstupeceret. Thamus Ægyptius erat
 gubernator, ne eorum quidem, qui in navi-
 crant, multis de nomine notus. Eum
 bis appellatum tacuisse, tertio paruisse vo-
 canti. Tunc illum contentâ voce dixisse: Cum
 ad palodes perveneris, magnum Pana nun-
 tia interiisse. Quod qui audiverunt, atto-
 nitos ostendit Epiberses omnes fuisse ac rem
 secum perpendisse: facere ne præstaret im-
 peratum, annon scrutari de eo curiose
 negligere. Thamum censuisse, si ventus fla-
 ret ut præternavigarent tacite. Sin tran-
 guillitas esset sillerentque apud eum locum
 venti, ut pronuntiaret quod acceperat. Ut
 ad palodes delati sunt, & cecidit ventus, nec
 fluctus fuit, prospectantem ad terram Tha-
 mum retulisse, ut acceperat, magnum Pana
 obiisse. Vix conticuisse eum, cum extitit non
 unius sed multorum cum stupore confusus
 gemi-

gemitus. Haec tenus Plutarchus, & adjectum
 Tiberio Cælari eadem haec retulisse.
 Thamum, postquam ille rumor Ro-
 mæ pecrebuit, Cælarem convocasse suos
 Sapientes & ex illis didicisse Panem il-
 lum fuisse Mercurii & Penelopes filium.
 Haec illa est narratio, quam de morte
 & perpetuo silentio oraculorum inter-
 pretatur Eusebius & cum illo alii. Bo-
 issardus audet explicare de ipso Salva-
 tore Christo ejusq; morte, & quod mi-
 rabimur assignare ipsi huic voci certum
 tempus, nemirum 19 annum Tiberii im-
 perantis, adeo ut mirari satis non pos-
 sim audaciæ viri affirmantis ea, quæ ne
 per somnium quidem ex Plutarchi (qui
 solus & primus haec tradidit) scriptis po-
 terunt elici. Boissardi verba sunt, lib.
 de divinatione & magicis præstigiis:
*Quidam existimant vocem illam locutam
 fuisse de Christi servatoris morte: cum au-
 dita sit anno decimo nono imperii Tiberii Cæ-
 saris, quo Christus crucifixus est. Quod
 quoq; magis exinde putat fieri proba-
 bile quod Arcades Pana τὸν τῆς ὑλῆς κύ-*

*E*go nunc upavisse testetur. Macrobius sic
 de Pane Saturnal. i. Cap. 22. differens:
 Pan ipse quem docant Inuum, sub hoc habi-
 tu, quo cernitur; solem se esse prudentioribus
 permittit intelligi. Hunc DEUM Arcades
 colunt, appellantes τὸν τῆς ὕλης οὐρανόν: Non
 sylvarum Dominum, sed universæ substantiæ
 Dominatorem significari volentes. Cum
 Boissardo consentit Molinæus sed uter-
 que, meo quidem judicio; magis confi-
 denter quam verè. Neq; enim latere
 potest quam audacter istud Epithersis
 Aliquando pronunciarit vel finixerit Bo-
 issardus annum 19 imperii Tiberii Cæ-
 faris, ut sic sententiæ amatæ patroci-
 naretur. Sic Dæmones uterentur ope-
 râ Thami, ut resfciscerent antea nescii
 socii, illis per se non valentibus: Ve-
 rum unde ejulatus iste multorum? an
 mali spiritus mortuo hominum libera-
 tori illacrymarentur?

An lacrymantibus his risum teneatis Amici?

At si cui verosimilius videretur de
 angelis bonis hæc intellectuisse, simul quo-
 que spiritibus (quod est absurdum) cer-
 ta

ta atque destinata terrarum assignaret loca: sicut solitudines horridasque montium rupes incoluisse oportet illos, qui gubernatori Thamo hoc negotium perficiendum mandarunt. Mornæus ait istunc Pana in gentilitiis Dæmonibus insigitem locum tenuisse, cuius etiam Oraculum ex Porphyrio citat, sed cum commentariis, adeo ut visus sit timuisse ne injurius diceretur, si mendacium adeò amandasset nudum atque accessit. Sic crevit & vires eundo acquisivit, instar niveæ pilæ, quæ quo volutatur diutius, eo incrementa capit majora. Tamdiu ergo absurdum unum trusit alterum, donec penitus fabula evasit, illa adeò decantata, & ab ipsis credulis tam avidè arrepta, historia.

§. X

Sane non defuere ex hujus ævi (quum tertium nos revisunt literæ) literarum luminibus & viris sine exceptione doctissimis, qui diu narrationem habuere suspectam. Inter illos Baronius sic est locutus : Qualiacunge
sint

sint, fides est penes Auditorem, & post pau-
 ca: Et sane quidem, si rei gestæ fidem ad-
 bibendam esse putemus. Adhuc tamen
 cordatores judices habendi sunt cen-
 turiatores Magdeburgenses, quibus hæc
 omnia sunt ridicula: nam cent. 1. lib.
 2. cap 15. de Eusebio hæc ex Plutarcho
 in testimonium adducente dicunt. U-
 bi & de pane sub Tiberio mortuo ridicula
 narrat. Jactantur etiam multa alia
 ipsorum Oraculorum de suo silentio
 testimonia ex Porphyrio ab Eusebio
 adducta, quæ tamen ejus sunt indolis, ut,
 si penitus examinentur, quidvis aliud
 potius probent, & de temporibus, quibus
 reddita sunt, nihilo evades certior: hoc
 unum ex omnibus colligi posse vide-
 tur *χρηστεια*, Apollinis præcipue Del-
 phici, nunc per aliquod tempus deditisse
 responsa, nunc rursus per aliquod spa-
 tum obmutuisse, idque saepius diversas
 ob causas accidisse. Potuisse autem
 Eusebium prætervidere aliqua in iis,
 quæ hanc rem spectant, etiamnum u-
 nico exemplo, sed manifestissimo, de-
 cla-

clarabo. Narrat Eusebius (quem errorem post illum erasse fertur Hieronymus) Josephum Judaicarum rerum scriptorem testari, eodem die, quo crucifixus est Salvator, voces ex templi adytis esse auditas: *migremus hinc.* quam autem id fiat invito Josepho, ipse cognoscere ne graveris, quælo, benigne Lector ex ipsius Josephi lib. 7. de bell. Jud. Cap. (secundum lat. vers.) 12. ubi ille istam vocem anumerat prodigiis, quæ proxime antecesserunt Hierosolymitanæ urbis excidium, quod circiter 40 annos postea contingebat, ut verba apertissime habent, & non potuisset non Eusebius æque videre, ac quivis aliis, si advertere animum voluisse.

§. XI.

Supereft ut, ceu in nos recepimus, testimoniiis scriptorum tam Ethnicorum quam Christianorum demonstremus etiam Juliani Imperatoris tempore & esse consulta & respondisse Oracula: Quod quamvis nunc à nobis debuisset

& potuisset fieri prolixo, erimus tamen
 breviores, ne in opus excrescat imensum
 quod esse voluimus exercitisi exiguum.
 Nec recensemus nisi illa, quæ mihi
 quidem quantivis pretii visa sunt, se-
 quentes ordinem Imperatorum, prout
 Oracula ipsis & consulta & redditum de-
 præhenduntur. Audivimus superius de
 suo tempore (hoc est ante natum Salvato-
 rem) testantem Ciceronem, quod respon-
 dere quidem non desierint Oracula, sed
 versibus id non fuisse factum. Apol-
 linem Delphicum respondisse, testatur
 Strabo (qui sub Tiberio vixit) lib. 9.
 ubi etiam ritus, quibus Oracula suo
 tempore dari sueverunt, recenset. Ne-
 ronem quoque itidem primi seculi Im-
 peratorem, de morte sua consuluisse
 & ab Apolline Delphico esse delusum,
 quod non recte interpretatus sit septua-
 gesimum tertium annum, quem ca-
 vendum ipsi præscripsit Oraculum, testis
 est Sueton: in vita Neronis Cap. 40.
 Qui tamen Nero templum spoliavit, ut
 perhibet Pausanias de Neronis in Delphos

patrato facinore. Unde suspicio esse
potest Oraculum siluisse ad aliquod
tempus & dedisse Juvenali, qui sub
Domitiano vixit, occasionem querendi
quod *cessent Oracula Delphis*. Neque ta-
men sic cessasse toto isto à Nerone ad
Domitianum tempore suadet Philo-
stratus lib. 6. de vita Apollonii, præci-
puè vero lib. 4. cap. 8. Quidquid sit,
alibi tamen responderunt, nam Vespasianum
Patrem confirmatum per Ora-
culum Carmeli DEI, quod inter Syri-
am & Judæam frequentabatur, faten-
tur Svetonius in ejus vita Cap. 5. &
Tacitus Hist. lib. 2. cap. 78. Eius filium
Vespasianum itidem de imperio esse
confirmatum Paphiæ Veneris Oraculo
iidem testantur, iste quidem in ejus vit.
Cap. 5. hic autem Hist. 2. Cap. 3. & 4.
Fiebant autem hæc seculo primo post.
N. C. Ad quod quoque pertinebit illud,
quod de Clitumni Oraculo, suo tempore
eximiè vigentis, scribit Plinius secundus
(qui sub Trajano vixit) lib. 8. Epist. 8.
Plutarchum de secundo seculo, circa

cujus initium floruit, testantem, hic
 consulto prætereo, quandoquidem ex
 iis quæ superius de eo allata sunt, pa-
 teat abunde illum ab adversantibus sen-
 tentiæ Patronis frustra citari ut testem,
 quum potius demonstret isthuc in o-
 pere Oracula suo tempore viguisse. Ait
 enim: *Sed vitio datis priscis Antistitis, quod*
malis usæ sint versibus, itemque eas que ho-
die prosa oratione responsa dant. Item a-
 libi: *Neque vero DEUS est culpandus, quod*
cum divinationis quod adhuc superest, omni-
um desiderio satisfaciat, absolutosque do-
mum dimitat. Videsis etiam quæ ha-
 bet Lucianus non incelebris secundi se-
 culi scriptor, tam in Philopseude suo,
 quam Alexandro Pseudomante, ubi
 plurima enumerat Oracula, quæ suo
 tempore viguere. At causa ipsorum
 per aliqua tempora, facti silentii, (ut
 antea indigitavimus illa ob certas ra-
 tiones solitum morem non obtinuisse)
 haud adscribenda est illis, sed quod mi-
 nor confluxus hominum consulentium
 eorum visitarit loca; nemini namque
 per-

percunetanti nullum datur responsum. Quamvis etiam alias adferat Plutarchus rationes in opūculis antea laudatis. Et Boissardus prolixè satis hoc Oraculum quinquies relictum everlumque & de-
nuo exstructum, postremo, Juliano im-
perante restauratum ait fuisse: Qui se-
cundum ejus mentem ultimus Apollini-
nem adivit. In eandem sententiam pe-
dibus it Peucerus lib. 3. Cronic. Verum
enim vero utrum brevi an longè post
Julianum in solidum destructum sit, pro-
certo sciri non potest, quandoquidem
de eo inter scriptores hactenus conven-
tum non sit. Ex iis autem quæ dicta
sunt, satis adparet neutquam, neq; il-
lad Delphicum, neq; alia illo tempore,
cujus meminit Eusebius, in perpetuum
esse sopita.

§. XII.

De tertio seculo hæc habet Tertulli-
anus (qui sub Severo & Caracalla flo-
ruit) lib. de anima, Cap. 46. Nam &
Oraculis hoc genus Stipatus est orbis: Ut
Ampbiarai apud Oropum, Amphilochi apud

Mallum, Sarpedonis in Troade, Trophonii in Baxotia, Mopsi in Ciliciâ, Hermione in Macedonia, Pasiphae in Laconica. Ut prolixitatis vitandæ gratiâ nunc præteream, quæ de Caracalla Oracula interrogante, & responsis potito, referunt Herodianus & Dion Cassius; qui Cassius item refert Macrinum Caracallæ successorem ab Oraculo didicisse se iri oppressum à puerulô. De Aurelianî tempore testis est Zosimus, ipse Ethnicus, qui duorum *xenonem iaw* tempore suo Oracula reddentium meminit: Unum erat Apollinis Sarpedonii Seleuciæ, alterum Veneris Aphacitidis inter Heliopolin & Biblum, à quorum utroque recitat ingrata Palmyrenis data responda. Vide etiam Eusebium lib. 3. de vit. Constant.

§. VIII.

Circa initium seculi quarti, quum imperio est admotus Constantinus Christianam fidem amplexus, Oracula quidem videbantur animam aetura, quum ille eorum templo jussiterit destrui; retardatus tamen est illius Ze-

lus impedimentis perplurimis: Quin & ab illis, qui ipsi successere, adeò res est tractata languidè, ut quum ad Julianum Apostatam devolveretur imperium, Oracula pristino vigori quasi restituta viderentur. Ceu de illis temporibus locuples testis est, Cyri Episcopus Theodoretus, cuius de Juliano Apostata hæc sunt vetba Hist. lib. 3. Cap. 9.
Julianus cum in animo haberet bellum contra Persas gerere, ad omnia Oracula, qua erant intra fines Romani imperii, consulenda homines è suis summâ benevolentia sibi conjunctos misit. Ille ipse vero supplex orat Apollinem Daphnaeum, uti, quæ sibi essent eventura, ostenderet. Respondit Apollo, Mortuos quosdam in proximo hamatos impedimento esse quo minus daret vaticinia. Eos igitur primum transferendos, deinde quid futurum sit se prædictorum pollicetur. Nam se, nisi purgato luco, nihil posse dicere. Ibi, sicut alibi, non unius, sed plurimorum Oraculorum, non perpetuæ quondam morti tradita esse, sed tunc temporis viguisse perspicue facta est mentio. His & aliis

ad.

adhuc perplurimis non contemnendorum scriptorum testimoniosis permotus; autumno nonnisi sub Theodosio, qui circa finem seculi quarti cum imperio præfuit, penitus Oracula obticuisse, ceu viā nobis præit Ruffinus lib. ii. cap. 19. Hist. Ec. Idolorum, ait, *Cultus' qui Constantini institutione & deinceps negligi & destrui cœptus fuerat, eodem (Theodosio) imperante, collapsus est.* idem testatur Zosimus gentilis lib. 4. Præ omnibus tamen Theodoreus Hist. lib. 5. cap. 20. ad quem, quoniam prolixior est, curiosum & Candum Lectorem mitto. Obscurans reverentèr, ut rudia & puerilia hæc, quæ in chartam conjecti, eodem Candore accipiat & interpretetur atq; à me scripta sunt; benigneque corrigat errantem, quemadmodum errare per facile fuit Juveni & rerum ejusmodi parum perito, parato tamen, divinâ gubernante gratiâ, quandocunq; docentur, discere meliora.

SOLI DEO GLORIA.

Pereximie Dn. RESPONDENS
Conterraneo & amice sin-
gularis.

Omnis sinceri & pietatis amantes,
cum aliquid felicis ac boni, qvod
amico accidit, ad aures pervenerit
illorum, læto animo ovantes merito
gaudent; præprimis autem, Si vel
per sanguinem vel per vicinitatem
amicitia vera sit inter illos contracta:
ego itaque magno effteror gaudio,
videns te, amice infucate, tantos in
studiis fecisse progressus, ut jam
publicè disputationem tuam, de O-
raculorum post Christum incarna-
tum responsis, nervosè conscriptam
defendere tentes: macte Carillo
pio incepto tuo. Tibi gratulor,
gaudensq; opto, dignetur ille sum-
mus Rector omnium tibi amplius
scientiam & doctrinam augere, teq;
usq;

D

usq;

usq; ad vitæ finem in semitis suæ di-
næ majestati benè placitis cle-
ter dirigere.
al

Ita amico suo intimo gratu-
labatur

M A G N U S Lindbeck / Werm.

AD JUVENEM

Ingenio & virtutis amore commendabilem
DN. ANDREAM Carlloof /
Conterraneum & aticum longe probatissi-
mum, cum dissertationem de Oraculis
publice & egregie defenderet.

Pereximie DN. Respondens, dies nunc illu-
xit, quo egregiam hanc materiam de Ora-
culis, sive Responsis Deorum Gentilium, & ca-
thedra publica in præsentia Doctorum doctè
defendere conatis. Ideo temperare mihi non
possum, quin faciam tibi testatum officium
& amorem meum, verbo uno vel altero, quod
amici solent in tali occasione; & juxta laudem
sinceritatem tuam, quam in nostra familia-
ritate nunquam non percepisti, ex qvo in Ca-
rolstdieni Gymnasio te familiarius uti con-
tigerat; quam quoque consuetudinem, ad A-
cademiam hanc Aboensem longe celeberrimam
paupertas ipsa, qvæ mihi tecum commu-
nis est, fecit arctiorem, gaudet autem te in tan-